



Слѣжба пресѣѣнѣ еѣѣ,
предъ чѣдотвѣрною еѣ икѣною почѣевскою пѣвѣемаѣ.

Сборник для мужского хора
Редакція и составление Г.Смирнова
Храм Воздвиженна Честнаго Креста в Алтѣфьево.

НА ВЕЛИЦЕЙ ВЕЧЕРНИ, НА ГОСПОДИ, ВОЗЗВАХ: СТАВИМ СТИХОВ 8

и поём стихиры, глас 5:

**Приидите, россиястии соборы, / и от всех язык, вернии, /
соберитесь, / на гору Почаевскую взыдем и в дом Матере /
Божия, / и узрим место стопы Ея, / идеже во огненном /
столпе древле явися, / и от источника, оттуду истékшаго, /
вéрою окропление при́емем, / и чудотворней иконе Ея по- /
клонимся, / прощэния прегрешений наших просяще, // и /
душам нашим велия мило́сти. [Два́жды.]**

**Ко Твоему́ заступлению притекаем, Пречистая, / и чудеса, /
во обители Почаевстей от Тебе бывшая, воспева́ем: / ис- /
целéния бо zde слепии и хромии радостно приима́ху, / бес- /
ннии свобождахуся, и мертвии воскресо́ша, / и несть тако- /
ваго жестокаго се́рдца, / е́же зрением святыни Твоя не /
умилится. / Но утверди́, Всепéтая, / благое изволение мо- /
лящихся Тебе // и подаждь душам нашим véлию мило́сть.**

**Ра́дуйся, Благодатная Богородице, / Твое стадо от небес /
назира́ющи, / от Ангел убо пение приéмлющи, / от нас же /
изливаемая умиленные слезы ви́дящи / и молитвенная /
воздыхания душ наших слы́шащи: / сия́ бо паче витийства /
словéснаго / на милосе́рдие Тебе преклоня́ют, // во еже по- /
дати душам нашим véлию мило́сть.**

Ины стихиры, глас 2:

**Твою́ икону целующе, Влады́чице, / и следу стопы Твоя /
покланя́ющися, / и заступлэ́ния Твоя́ многая помина́юще, /
достойных словес о прославлении Тебе не обрета́ем, / но, /
благоговéйныя слéзы Тебе в молчании принося́ще, / аки на /
небеси, себе мним, Твоей славе предстоя́щая; // спаси Тебе /
велича́ющия. [Два́жды.]**

**На горé Фаворстей Петр со други Господне Преображе- /
ние ви́дев / и лепотою славы Его усажда́ясь, / тако во- /
пияше Ему́: / Го́споди, добро есть нам zde бы́ти. / Сицевый /
же глаго́л рцём, / бра́тие, на гору явления Матере Божия /
собра́вшися, / и преобразование сла́вы Ея, zde бывшее, по-**

мышляюще,/ и во умилении вопиюще к Ней:// спаси Тебе величающия.

На скале пустынной первее явилася еси, Владычице,/ светом огня просвещение верных zde прообразующи/ и купину неопалимую на память людем приводящи;/ потомже с небес видение Твоего заступления/ иноком почаевским явила еси,/ яко покров Твой, Андреем древле виденный./ Нас же, молящихся, светом озари духовным// и спаси Тебе величающия.

Слава, и ныне, глас тойже:

Непроходимая врата, тайно запечатствованная,/ благословенная Богородице Деве,/ прими моления наша/ и принеси Твоему Сыну и Богу,// да спасет Тобою души наша.

Вход с кадилом. Прокимен дне. Таже чтения праздника три.

Бытия чтение. [Глава 28.]

Изыде Иаков от студенца клятвеннаго и иде в Харрань. И обрете место, и спа тамо, зайде бо солнце; и взят от камня места того, и положи возглавие себе, и спа на месте оном. И сон виде: и се лествица утверждена на земли, еяже глава дозязаше до небес, и Ангели Божии восхождаху и низхождаху по ней. Господь же утверждашеся на ней, и рече: Аз Бог Авраамов, отца твоего, и Бог Исааков, не бойся: земля, идеже ты спиши на ней, тебе дам ю и семени твоему. И будет семя твоё, яко песок земный, и распространится на море, и ливу, и север, и на востоки, и возблагословятся о тебе вся колена земная и о семени твоём. И се Аз с тобою, сохраняяй тя на всяком пути, а може аще пойдеш, и возвращу тя в землю сию, яко не имам тебе оставити, дондеже сотворити Ми вся, елика глаголах тебе. И воста Иаков от сна своего, и рече: яко есть Господь на месте сем, аз же не ведех. И убояся, и рече: яко страшно место сие, несть сие, но дом Божий, и сия врата небесная.

Исхода чтение. [Глава 3.]

Вниде Моисей в гору Божию Хорив. Яви же ся ему Ангел Господень в пламени огненне из купины. И виде, яко купина горяше огнем, и купина не сгараше. Рече же Моисей: прешед, узрю видение великое сие, что яко не сгарает купина? Якоже виде Господь, яко приступает видети, призвал его Господь из купины, глаголя: Моисее, Моисее. Он же рече: что есть? И рече: не приближися семо; изуй сапог от ног твоёю: место бо, на немже ты стоиши, земля святая есть. И рече ему: Аз есмь Бог отца твоего, Бог Авраамов, и Бог Исааков, и Бог Иаковль. Отврати же Моисей лице свое: стыдяше бо ся зрети пред Богом. Рече же Господь к Моисею: видя, видех озлобление людей Моих, иже во Египте, и вопль их услышах от насильствующих в делех, вем бо болезнь их, и снидох, еже изъяти их от руки египтян, и извести их от земли оныя, и ввести их в землю благу и многу, в землю, точашу мед и млеко.

Пророчества Иезекиилева чтение. [Главы 43 и 44.]

Тако глаголет Господь: будет от дне осмаго и прочее, сотворят иереи на олтари всеожжения вашего и яже спасения вашего, и приму вы, глаголет Адонай Господь. И

4

обрати́ мя на пу́ть вратъ святы́х внѣшних, зря́щих на востóки, и сиа́ бѣху затворѣна. И рече́ Господь ко мнѣ: врата́ сиа́ затворѣна бѣдут, и не отвѣрзутся, и никто́же про́йдет сквозе́ их, яко́ Господь Богъ Израилевъ про́йдетъ ими, и бѣдут затворѣна. Яко́ игу́мен сядетъ в нихъ снѣсти хлѣбъ: по пу́ти ела́мскихъ вратъ вни́дет, и по пу́ти его́ изы́дет. И введе́ мя по пу́ти вратъ святы́х, су́щих къ се́веру, прѣ́мо хра́му, и ви́дех, и се́ исполнь сла́вы хра́м Господень.

НА ЛИТИИ СТИХИРЫ, ГЛАС 6:

Струи́ исцелѣний всегда́ источа́еши, Дѣво, вѣрным, притека́ющим къ цельбоно́сней стопѣ Твое́й, Богоневѣсто! Ту́не бо излива́еши от нея́ обильно и богáтно недугующим исцелѣ́ния: слепы́я явля́еши видяща́ ясно, притека́ющия къ Тебѣ́ хромы́я мно́гия исправи́ла еси́ и разсла́бленныя стягну́ла еси́, подаю́щи все́м, я́же ко спасѣ́нию, прошѣ́ния и душáм нáшим вѣ́лию мѣ́лость.

Приидите́, празднолю́бцы, чу́дное явлѣ́ние ико́ны Божия́ Матере́, е́же на горѣ́ Поча́евстей, просла́вим: пресла́вно бо и боголе́пно во обители́ Поча́евстей возсия́, неисто́щиму́ю чудесъ́ благода́ть все́м излива́ющи. Те́м усты́ и се́рдцы, и пѣсньми, и пѣ́нии духо́вными се́й святы́й де́нь со все́ми, на го́ру Поча́евскую́ притека́ющими, прáзднуемъ́ свѣ́тло.

Сла́ва, и ны́не, гласъ́ то́йже:

Воспо́йте, россия́стии наро́ди, Цари́це Божией́ Матери́ пѣснь но́ву, соде́явшей чу́до, новѣ́йшее все́х дрѣ́вних чудесъ́, на горѣ́ Поча́евстей: си́льныя бо сокруши́, стрѣ́лы агаря́нския, на ню́ от татаръ́ направля́емыя, на главу́́ ихъ вспя́ть обраща́ющи, немощны́я же препоя́са си́лою свѣ́ше, и вознесе́ смире́нныя. То́й победите́льная возсыла́ем и, припада́юще, вопие́м: Засту́пнице́ наша́ усѣ́рдная, Ма́ти Го́спода Вы́шняго, сла́ва Тебѣ́!

НА СТИХОВНЕ СТИХИРЫ, ГЛАС 3:

Кто́ возглаго́лет си́лы Твоя́, Богороди́це, цельбоно́сный Поча́евский исто́чнице? Неисто́щимы́ми бо дарова́нии изоби́лующи, мно́гая и па́че естества́ содева́еши исцелѣ́ния, не то́кмо телѣ́сныя болѣ́зни врачую́ши, но и душе́вныя стра́сти наша́ измыва́ющи, и все́м подае́ши вѣ́лию мѣ́лость.

Сти́х: Слы́ши, Дщи́, и ви́ждь, и приклони́́ у́хо Твое́.

Твоими чудесы, Богородице, невернии умилившись, Православную веру исповедаху, и еретицы от ереси отрекошася и ко стаду церковному сопричтошася, беснии от мучительства демонов свободяхуся, и жестокая сердца смиришася. Убо и души наша покаянием просвети, подаючи нам велию милость.

Стих: Лицу Твоему помолятся богати людстии.

По избавлении от неверных Твоея лавры, Владычице, икону Твою православнии людие радостно приыша, якоже древле Животворящий Крест Сына Твоего от пленения перскаго; темже исцеления, от нея бываемая, такожде умножишася, ихже не лиши и нас, молящих Ти ся, подаючи душам нашим мир и велию милость.

Слава, и ныне, глас 8:

Седяй на херувимех и Певаемый от серафим из утробы Девы благоволи родитися, и Сию, яко Матерь Божию, в молитву призывати нас научи, первее в Кане Галилейстей Тоя моления о людех приемыи и донине молитв Ея ради прошения наша исполняяй. Приидите убо, христоименитии людие, на место чудес Пресвятыя Богородицы и, моления ваша пред иконою Ея изливаяюще, несомненною верою утвердитесь, еже прияти нам от Нея велию милость.

НА БЛАГОСЛОВЕНИИ ХЛЕБОВ

Тропарь, глас 5:

Пред святою Твоею иконою, Владычице, / молящиися исцелений сподобляются, / веры истинныя познание приемлют / и агарянская нашествия отражают. / Темже и нам, к Тебе припадающим, / грехов оставление испроси, / помыслы благочестия сердца наша просвети / и к Сыну Твоему молитву вознеси // о спасении душ наших. **Трижды.**

НА УТРЕНИ,

На Бóg Господь: тропарь праздника, трижды.

По 1-м стихословии седален, глас 4:

Богородица христианом всегда бысть милостивая Услышательница, от конец земли к Ней возносящим молитвенныя гласы, Почаевскую же гору яко место явлений Своих избра, и сего ради зде быти спешают христиане, ихже моления не отврати, Владычице, но и праведным, и грешным буди Ходатаица.

Слава, и ныне, тойже.

По 2-м стихословии седален, глас 7:

Отверзи врата твоя, святая лавро Почаевская, и прими приходящая безчисленныя народы, святую икону Владычицы облобызати умиленно тшачияся и вкупе со братиею монашествующих усердная моления возносящая ко Христу Богу, да молитвами Приснодевы, Матере Своея, милостив будет рабом Своим.

Слава, и ныне, тойже.

Величание:

Величаем Тя, / Пресвятая Дево, / и почитаем честную икону Твою, / юже от лет древних на горе Почаевстей // прославила еси.

Псалом избранный:

Помяни, Господи, Давида и всю кротость его. / Яко клятятся Господеви, обещахся Богу Иаковлю. / Се слышахом я во Евфрафе, обретохом я в полях дубравы. / Преславная глаголашася о Тебе, граде Божий. / Бог посреде его, и не подвижится. / Клятятся Господь Давиду истиною и не отвержется ея. / От плода чрева Твоего посажду на престоле Твоем. / Яко избра Господь Сиона, изволи его в жилище Себе. / Осветил есть селение Свое Вышний. / Святыня и велелепота во святеле Его. / Свят храм Твой, дивен в правде. / Дому твоему подобает святыня, Господи, в долготу дней. / Помяну имя Твое во всяком роде и роде. / Благословен Господь во век и в век века.

Слава и ныне: Аллилуия, аллилуия, аллилуия, слава Тебе, Боже. Трижды.

По полиелеи седален, глас 6:

Днесь о всех чудесех Твоих, Владычице, на горе Почаевстей бывших, благодарения Ти Церковь приносит. Темже сошедшия люди Твоя от небес благословии, разум наш уцеломудри, и житие наше исправить помози, и о спасении душ наших моление к Богу вознеси, молим Ти ся.

Слава, и ныне, тойже.

Та́же степéнна, 1-й антифóн 4-го глása. Прокíмен, глác 4:
Помяну́ и́мя Твое́ во вся́ком ро́де и ро́де. Сти́х: Слы́ши,
Дщи́, и ви́ждь, и приклони́ у́хо Твое́. Вся́кое дыха́ние да
хва́лит Го́спода. Ева́нгелие от Луки́, зача́ло 4.

По 50-м псалме́ стихира, глác 5:

Приидите, россия́стии собо́ри, и от все́х язы́к, ве́рнии, со-
берите́ся, на го́ру Поча́евскую взы́дем и в до́м Ма́тере
Бо́жия, и у́зрим ме́сто стопы́ Ея́, иде́же во о́гненном стол-
пе дре́вле яви́ся, и от исто́чника, оттúду истéкшего, ве́рою
окроплéние при́йдем, и чудотво́рней ико́не Ея́ покло-
нимся, прощéния прегрешéний на́ших прося́ще и душа́м
на́шим ве́лия ми́лости.

Кано́н, [его́же краегранéсие: Богоро́дице Поча́евская,
спаси́ и сохрани́ правосла́вную Ру́сь,] глác 8.

Пéснь 1.

Ирмо́с: Пои́м Го́сподеви, / проведшему люди́ Своя́ сквозе́
Чермное мо́ре, // яко́ Един сла́вно просла́вился.

Бо́жию Ма́терь воспойм, ве́рнии, моле́ния к Не́й принося́ще и чудотво́рному Ея́ о́бразу покланя́ющесе
ве́рою и любóвию.

О, Влады́чице, убо́гия хвалы́ на́шея не отвéржи и грехо́вныя нищеты́ не возгнуша́йся, но припада́ющия
люди́ приими́, яко́ Благо́я, Благо́го же Родите́льница.

Гора́ Поча́евская, пре́жде те́мная и безве́стная, явлéнием Твои́м, Влады́чице, Синаю́ уподо́бися: та́мо
бо о́гнь, купину́ не паля́й, Тебе́ прообразова́ше, зде́ же Сама́, во о́гни зрима́я, христиа́ном явила́ся еси́.

Очи ва́ши блаже́ни, о па́стырие о́вчи, Влады́чицу на горе́ Поча́евстей узрéвши и те́м ча́сти виф-
ле́емских па́стырей сподо́бльшиися. Те́мже у́бо блаже́ни су́ть христиа́не, сего́ не ви́девши, но ве́рою
ме́сту тому́ покланя́ющися.

Ро́ди россия́стии и от вся́каго язы́ка ве́рнии, соше́дшесе к ме́сту явлéния Влады́чицы, чудотво́рному
Ея́ о́бразу поклони́мся и о свои́х согрешéнных воспла́чем, о милосе́рдии же Господни́ возра́дуемся.

Огненный сто́лп, Влады́чице, Тебе́ ино́ком и па́стырем явля́ше, на́м же о́гнь ре́вности вложи́ в ду́шу,
е́же ве́ру и́стинную хранити́, от вся́каго же глаго́ла ерети́ческаго отвраща́тися и грехо́вную отревати́
прéлесть от серде́ц на́ших.

Катава́сия: Отве́рзу уста́ моя́...

Пéснь 3.

Ирмо́с: Ты еси́ утвержде́ние / притека́ющих к Тебе́,
Го́споди, / Ты еси́ Све́т омраче́нных, // и поёт Тя ду́х мой.

Да́р священны́й, странноприимства́ мзду́, прият хри́столю́бивая Анна́ ико́ну Твою́, Влады́чице, руко́ю
святите́ля, от нея́же исцеле́ние бра́ту своему́ сле́пу ро́ждéну ви́девши, сию́ во оби́тель Поча́евскую на
о́бщую пользу́ да́рствует.

Ико́ну Поча́евскую Пречи́стыя Богоро́дицы лобыза́им, ве́рнии, и, пока́яние о гресе́х на́ших принéсше,
здрáвия, и от ну́жд избавле́ния, и во все́х благо́их начинáниях по́мощи от Влады́чицы воспроси́м.

Цве́т прекра́сный на дре́ве благосенноли́ственном яви́ся чудотво́рная ико́на Богоро́дицы на святе́й го-

8

ре Почаевстей: просите, вернии, и даётся вам, по глаголу Христову, милосердия дар, житию вашему потребный.

Еже временному житию потребно бывает, о братие, в мале полезно есть, и сия дарствует нам Господь, по молитве Матере Своея. Обаче терпящая паче сих блажит и вечною радостью на небеси награждает, юже нам даровати, Владычице, помолися.

Почаевская церковь, чудотворный след стопы Твоея, Богородице, покрывающая и икону Твою хранящая, аки небесный вход верным является, в нейже молящимся помози, о Владычице, земная попечения отложить, и единого, еже на потребу, желати, и в молитве тепле просити.

Оле безумия иконоборцев, иже икону Твою, Владычице, от Почаевския обители плениша и, поруганию предающе, кару Божию абие на ся наведоша, беснованием же обличене бывшей женé, ужасом многим содержахуся.

Седален, глас 6:

Река, обильно текущая, покою не навиче, ниже престати от течения воднаго возмóжет, тако и моления Твоя, Владычице, о людех присно возносима, не престають, но праведныя от падений хранят, падшия же на покаяние возставляют. Нам же, Твоему образу поклоняющимся, сугубую умиления благодать даруют и вопити Тебе со архангелом и Елисаветою воздвизают: благословена Ты еси в женах, и Твоего чрева Плод благословен есть.

Песнь 4.

Ирмос: Услышах, Господи, / смотрения Твоего таинство, / разумех дела Твоя // и прославих Твое Божество.

Часу и дни пришедшу возвращения иконы Твоея во обитель Почаевскую от иконоборцев, сию пленивших, возрадовася преподобный Иов со братиею, тую лобызающе; ныне же на всяк день и час приходящии во обитель Твою христиане туюже радость и веру пред нею свидетельствуют.

Аз, грешный, ленинством поработен, о Владычице, благаго Бога присно грехи своими прогневаю, ниже очи свой возвести к Немю дерзаю, но ко Твоему припадаю чудотворному образу, пред нимже кающихся прощение от Тебе прияша, и вопию: Господа, Сына Твоего, умилостави и мне предстательством Твоим.

Еда обрящется толико окамененный сердцем и безумен муж, иже не умилился, в церкви Почаевстей предстоит и святыням Твоим, Владычице, поклоняйся, чудеса же, от них бывшая, помышляя и верою молящаяся видяй народы?

Видени быша мнози, исцеленнии пред иконою Твоею, Владычице, слепии и хромии, слышани быша глушии и немии, возглабавшии: тамо беснии, воды от стопы Твоея пьюще, от бесов свободяхуся. Темже и мою приими молитву, еже от бесовских страстей свободитися и свет спасения Христова вину созерцати.

Сый во узилищи земли турския пленен, инок Твоею силою, Владычице, на воздухе в гору Почаевскую принесся, убо и мене, во узах страстей суща, ныне, в день славы Твоея, от тех свободи и лику верою и любовию поющих Тя сопричти.

Ко Твоему чудотворному образу притек, Владычице, и водою от следа стопы Твоея омывся, сляченый недугом юноша абие исцелен, слепая же отроковица, zde принесенная, прозрела, и предумыерый младенец воскрес, убо и мене, припадающая, от смертоносного уныния воздвигни и душевныя мои отвързи очи.

Песнь 5.

Ирмос: Утренююще, вопиём Ти: / Господи, спаси ны, / Ты бо еси Бог наш, // разве Тебе, иного не вемы.

Аще и всех грешнейший есмь от тем людей, ко Твоей, Владычице, иконе припадающих, аще и вси верою своею мя превзыдоша, обаче и мене, окаяннаго, не отрини от Твоего заступления, милостей бездну людем во обители Твоей явившая.

Якоже ко всем призывающим Тя милостива являешься, издалеча иконе Твоей мысленно поклоняющиеся слышиши, и тако отрочища некоего, по молитве прабабы его, воскресила еси, и ныне, о Владычице, ко всем, от конец земли Тебе молящимся, благоуветлива буди.

Се, Владычице, людей многая множества, на святую гору Твою притекающе, милости Твоея получитьи ищут, вернии вкупе с маловерными, праведнии и грешнии, с нимиже и Церкви святей чуждii приме-таются, всех убо помилуй, всем свет истинныя веры яви во спасение.

Почто́ аз, грѣшный, Пречѣистей Богомáтери поклоня́ясь и испрáвити жити́е своё обеща́я, пáки на прѣжня прегрѣшѣния обраща́юся? Увы́ мнѣ! еда́ злѣйший е́смь неvéрных агáрян, иже на горѣ Почáевстей покая́ние принѣсше, дóбрии христиáне соде́яшася?

Аще и лю́ти бы́ша агáряне ту́рстии, святу́ю обитель Твою́, Влады́чице, осажда́юще, а́ще и стрѣлы в Тя́, на небеси́ я́вльшуюся, пу́щати дерзну́ша, но сѣм на главы́ их возвра́щающимся, се́рдцем сокруше́нным покая́шася и си́лу Твою́ испове́даша.

Со Иовом преподóбным на небесѣх Тебѣ зря́ще, Влады́чице, агáряном смяте́нным и бежа́щим, ино́цы Почáевстии пѣснь воспѣша́ Тя́ досто́йную, со уго́дником Тебѣ благода́ряще тёпле.

Пѣснь 6.

Ирмо́с: Ризу́ мне пода́ждь свѣтлу́, / одея́йся свѣтом, яко́ ризо́ю, // Многоми́лостиве Христе́ Бо́же на́ш.

Иже от агáрян Тя́, Влады́чице, на небесѣх узрѣша, друѓ друга вопроша́ху: что́ е́сть видѣние сие́ ужáсное? И о́ви, смяте́ни бы́вшие, друѓ друга убива́ху, о́ви же, ве́ру в се́рдце своё приѣмше, крещѣ́ния тре́боваху, по си́х же ино́цы бы́ша чрез всё жити́е, си́лу Твою́ воспѣва́юще.

Ино́ки и мирскі́я лю́ди, Твоему́ заступле́нию ве́рующия, Влады́чице, обогати́ духо́вными дарова́ньми, малове́рныя же просвети́ и озари́, яко́же тогда́ неvéдевшия Христа́ агáряны в позна́ние Его́ привела́ еси́.

Сохрани́ша па́мь Твоего́ заступле́ния, Влады́чице, агáряне, в зѣмлю ту́рскую возвра́щшеся, и ча́дом своим́ о явлѣ́нии Твоем́ па́мь преда́ша. Ко́льми́ па́че на́м, христиáном, чудеса́ Твоя́, на горѣ Почáевстей бы́вшая, па́мятовати подобáет?

Образу́ Твоему́ мы́сленно припа́дая, во глубóкий кла́дязь впады́й му́ж от несумне́нныя сме́рти спасѣ́ся и, невре́димъ из глубины́ подъя́т бы́в, Твое́ проповѣ́даше милосе́рдие.

Хотѣ́л бы́х и аз, Влады́чице, ве́ре спасѣ́нных Тобо́ю люде́й подража́ти, хотѣ́л бы́х и аз Твое́ заступле́ние в жити́и моём́ уллучи́ти, но за мно́жество прегрѣше́ний мо́их оскуде́вает мо́я ве́ра. Сию́ ўбо укрепі́ во мнѣ́, Влады́чице, вопи́ющем: ве́рую, помози́ моему́ неvéрию.

Ро́в прельще́ний латѣ́нских чрез сто́ и де́сять лѣт поглоти́ обитель Почáевскую, но Твоѣ́м, Богоро́дице, заступле́нием па́ки та́я к высотѣ́ Правосла́вия изъѣмлется и ла́вра имену́ется. Сию́ ўбо в Правосла́вней ве́ре непоколебѣ́му соблюди́ да́же до часа́ втора́го пришѣ́ствія Сы́на Твоего́ и Бóга.

Конда́к, гла́с 1:

Исто́чник исцелений́ и веры́ Правосла́вныя утвержде́ние / Почáевская Твоя́ ико́на, Богоро́дице, я́вися, / те́мже и на́с, к не́й притека́ющих, / от бе́д и искуше́ний свободи́, / ла́вру Твою́ невре́диму сохрани́, / Правосла́вие во о́крест стоя́щих страна́х утверди́ / и грехи́ разреши́ моли́твенник Твоѣ́х: // ели́ка бо хо́щеша, мо́жеша.

Икос:

Воста́ните от грóб ва́ших, ино́цы Почáевстии, и рцѣ́те на́м: коли́ких чудѣ́с Пресвяты́я Богоро́дицы бы́сте зрители́ и свидѣтели́, ка́ко ме́ртвии пред То́я ико́ною воскресáху, ка́ко де́мони от му́чимых люде́й отбегáху, ка́ко недужни́и та́мо исцеля́хуся, ка́ко неvéрнии ве́роваху, ка́ко хули́тели та́мо ка́яхуся? Сия́ бо дѣ́вна бывáху челове́ком и Ангелом. Мы́ же, вся́ сия́ бы́вшая и доднѣ́сь бывáемая воспомина́юще, со стра́хом и умилѣ́нием ко святе́й ико́не Пречѣ́стыя Богомáтере моли́твенно припа́даем и глаго́лем си́це: О, ми́лостей бѣ́здно и благода́ей сокро́вище, грехи́ разреши́ моли́твенник Твоѣ́х: ели́ка бо хо́щеша, мо́жеша.

Пѣснь 7.

Ирмо́с: От Иудеи́ доше́дше о́троцы, / в Вавило́не ино́гда / веро́ю Трои́ческою пла́мень пещны́й попрáша, пою́ще: // отцев́ Бо́же, благослове́н еси́.

10

Акафистово пение возношаху пред иконою Твоею, Пречистая, православнии людие, егда обитель Почаевская повелением царевым Церкви возвращена бысть, тем убо оставление грехов испроси, нам же, молящим Ти ся, на враги пособствуй.

Николая Перваго, Самодержца, душу упокоити молися, Владычице, вкупе же и всех, о возвращении лавры Твоея из еретического плена потрудившихся, нам же, к Тебе прибегающим, подаждь единомыслие и мир.

И ныне державствующему царю нашему милостива буди, Владычице, и о Церкви мирная глаголи сердцу его, покаяюще под нозе его противоборствующия враги и супостаты.

Пред Твоею иконою, Богородице, православным христианом возвращенною, паки исцеления примати вернии навькоша: не у истекшу бо единому лету от того дне, уже четырьми чудесы Церковь Христова прославила еси во утешение людем.

Рая небеснаго сподоби ны, Владычице, святую лавру Твою аки земный рай почитающия и Твоя милости теплою верою воспевающия.

Авраам Господень день издалеча виде, и радовался, и чаянием того дне живяше; узревши же издалеча Твою Почаевскую церковь некая хромая жена и упованием Твоея помощи исполнившись, абие исцелё и, аки елень, воспрянувши, ко обители Твоей поспешаше.

Песнь 8.

Ирмос: Царя Небеснаго, / Егоже поют вои Ангельстии, // хвалите и превозносите во вся веки.

Во град Киев от предел Уральских пришедшей женё бесней явися Богородица со предобным Иовом, и на гору Почаевскую гую призываше, идеже здравие ей подавши, славити научи Своё заступление.

Омыв очеса своя в купели Силоамстей, приемлет слепорожденный зрение Христовым велением; омывшись же от воды стопныя в церкви Почаевстей, исцелё слепая отроковица. Убо и наше страстное ослепление исцели, Владычице, водою от следа стопы Твоея с верою кропящихся.

Сию отроковицу исцелёну узревши, прабаба ея абие прельщения унитскаго отрицается и Православную исповедует веру, в нейже утверди и ны, рабы Твоя, о Владычице.

Людие Божии, на гору Твою, Владычице, притекающии, обеты подвиг благочестивых тамо приносят, яже делы исполнити помози им, Богородице.

Ангели на небеси Твою славу непрестанно воспевают, Богородице, на земли же человецы ко Твоему заступлению притекати не престають, ихже воздыхания не отрини, яко Благая, паче же на месте явления Твоего тех моления услыши.

Велия Твоего заступления сила, о Владычице, егоже ради Сын Твой и Бог наш грешным прощение дарует, подвизающимся же крепость и унывающим утешение.

Песнь 9.

Ирмос: Воистинну Богородицу, / Тя исповедуем, / спасеннии Тобою, Дево Чистая, // с безплотными лики Тя величающе.

Не точию един по единому подвизаются христиане на гору Почаевскую, но и от сугубо священнаго града Киева совокупльшися вернии, помощь от сея чудотворныя иконы в годину бывшего губительства исповедаша и, подобие ея написавше, во святую лавру сиё принесоша.

Убо и во грядущая лета спасай нас, Владычице, от губительства и междоусобныя брани, от глада же и огненнаго запаления, зане оскудевшей крепости душ наших, уныния исполняемся в бедях, неразумливи суще.

Южский предел земли российския Почаевскую икону Владычицы и святую лавру Ея, яко диадиму царствия хранит, и сими хвалится; обаче же и северский, во граде Тобольском, чудотворное подобие тойжде Почаевския иконы молитвою иноков себе испроси.

Ру́сскую зе́млю, о Влады́чице, я́ко безпреде́льное горы́ Твоея́ подно́жие, от бе́д и искуше́ний свободи́ и во благоче́стии тую́ сохрани́ до сконча́ния ве́ка.

Уже́ несты́дно подня́вшимся ху́льным гласо́м посреде́ христиа́нского жи́тельства, не оста́ви, Бого́родице, ра́б Твои́х в те́х прельще́ния впа́сти, но ве́ру несумне́нну возгрева́й в сердца́х на́ших вы́ну.

Се́ вре́мя заступле́ния Пресвяты́я Богоро́дицы при́иде, умно́жившимся собла́зном, се́ вре́мя на́ших к Не́й дыха́ний. О, бра́тие! Рце́м у́бо от всего́ се́рдца на́шего: Влады́чице, Влады́чице! помози́ лю́дем Твои́м.

Ексапостиларий. Подобен: Черто́г Тво́й ви́жду.

Виде́ние дивное: во огни́ Пресвята́я Де́ва, чудеса́ же неисчи́слимая от ико́ны Поча́евския́ на́м изве́стишася. Восприя́ем у́бо, о лю́дие, от грехо́внаго сна́, исправле́ния жити́ю на́шему со слеза́ми да про́сим, и Ма́тери Бо́жией с ве́рою днесь поклони́мся.

НА ХВАЛИТЕХ СТИХИРЫ НА 4, ГЛАС 4:

Воспоим, лю́дие,/ Пресвяту́ю Деву́ Чи́стую,/ на горе́ Поча́евстей древле па́стырем я́вльшуюся,/ ны́не же всю страну́ на́шу отту́ду благоде́ющую:/ весть бо Влады́чица проше́ния на́ша во благое исполня́ти,/ и сердца́ на́ша уми́лением раство́ряти,// и рабы́ Своя́ от бе́д и зол сохра́няти.

[Два́жды.]

Не возгнушайся нас, грешных, Милосердая Ма́ти,/ маловерия́ ради на́шего от нас не отврати́ся,/ но па́че ве́ру на́шу благодатною́ помо́щию Твоею́ умно́жи// и жертву́ хва́лы приноси́ Тебе́ рабы́ Тво́я научи́.

Слепы́я, и хромы́я, и сличенны́я, ко Тво́ей святе́й ико́не припа́дающия, всемо́щным де́йством Твоего́ предста́тельства исцели́ла еси́, Богоро́дице: бе́сы, люде́й му́чащия, отгна́ла еси́, Правосла́вную ве́ру ага́рянном и ерети́ком откры́ла еси́. Убо и на́ших моле́ний не отри́ни, Пренепоро́чная, но я́же ко спасе́нию проше́ния на́ша испо́лни.

Сла́ва, и ны́не, глас 8:

О Твои́х зна́мениих, Богоро́дице Влады́чице,/ сла́вится гора́ Поча́евская,/ и всяк язы́к христиа́нский/ си́лу Твою́ испове́дует,/ ихже́ ра́ди невернии право́верни соде́яшася,/ грешнии в пока́ние приидо́ша,/ лени́вии к духо́вному деланию́ устреми́шася./ Имже́ и нас подражати́, Благо́ая, научи́,/ Тебе́ тепле́ благодари́ти устро́й на́с/ и воздви́гни вы́ну воспева́ти сла́ву Сы́на Твоего́,// Еди́наго от Святы́я Троицы́ славима́го Бога́ на́шего.

Славословие великое, ектении и отпуст.

НА ЛИТУРГИИ,¹

Блаженна, песнь 3-я и 6-я, на 8.

Тропарь, глас 5:

Пред свято́ю Твоею иконою, Влады́чице,/ молящиися исцелений сподобля́ются,/ ве́ры истинныя познание прие́млют/ и ага́рянская нашествия отража́ют./ Темже и нам, к Тебе припа́дающим,/ грехо́в оставле́ние испроси́,/ по́мыслы благочестия сердца на́ша просвети́/ и к Сыну Твоему моли́тву вознеси́// о спасе́нии душ на́ших.

Кондак, глас 1:

Исто́чник исцелений и веры Православныя утвержде́ние/ Почаевская Твоя икона, Богородице, яви́ся,/ те́мже и нас, к ней притека́ющих,/ от бед и искуше́ний свободи́,/ ла́вру Твою невредиму́ сохрани́,/ Православие во окрест стоящих страна́х утверди́/ и грехи́ разреши моли́твенник Твои́х:// елика бо хо́щеша, мо́жеша.

Прокі́мен, глас 3, пёснь Богоро́дицы: Вели́чит душа́ Моя́ Го́спода, и возра́довася ду́х Мой о Бо́же, Спа́се Моём. Сти́х: Яко призре́ на смире́ние рабы́ Своея́, [се́ бо отны́не ублажа́т Мя́ вси́ ро́ди].

Апо́стол ко Евре́ем, зача́ло 320. Аллилу́ия, глас 2: Воскресни́, Го́споди, в поко́й Тво́й, Ты́ и киво́т святы́ни Твоея́. Сти́х: Кля́тся Го́сподь Дави́ду и́стиною и не отвёржется ея́. Ева́нгелие от Луки́, зача́ло 54.

Прича́стен: Ча́шу спасе́ния прииму́ и и́мя Господне призову́.

Велича́ние:

Велича́ем Тя́,/ Пресвята́я Де́во,/ и почита́ем честную ико́ну Твою́,/ ю́же от лет древних на горе́ Поча́евстей// просла́вила еси́.

¹ Зри́: Службу́ сио́ поём Иу́лия в 23-й де́нь, егда́ бысть видёние Ма́тере Бо́жия над це́рквию Поча́евскою и ага́ряном пораже́ние в ле́то 1675. Быва́ет же поклонёние чудотво́рному образу́ Поча́евскому в пра́здник Рожде́ства Пресвяты́я Богоро́дицы и поклонёние сле́ду стопы́ Ея́ в пято́к Све́тлыя седми́цы. Оба́че в сия́ дни́ творимъ́ службу́ по мине́и пра́здничней и по трио́ди.

Тропарь Почаевской иконе Божией Матери

Напева Почаевской Лавры

Т. I
Т. II
Бар.
Б.

Пред свя-то-ю Тво-е - ю и-ко-но-ю, Вла-ды-чи-це, мо-ля -
щи-и-ся ис-це-ле - ний спо-доб-ля - ют-ся, ве-ры ис-тин-ны-я
по-зна - ни-е при-ем - лют и а-га-рян-ска-я на-шест-ви-я от-ра -
жа - ют. Тем - же и нам, к Те-бе при-па-да-ю-щим,
гре-хов ос-тав-ле-ни-е ис-про-си, по - мы-слы бла-го-чес -
ти - я серд-ца на-ша про-све-ти, и к Сы-ну Тво-е - му
сдерживая
мо-лит-ву воз-не-си о спа-се - ни-и душ на - ших.

Непроходимая Врата

Напева Свято-Успенской Почаевской Лавры

Музыкальный фрагмент в нотном оформлении. Верхний стержень — мелодия в ключе D-бемоль мажор, нижний — басовый аккомпанемент. Динамика *ppp*. Текст: Не - про - хо - ди - ма - я В ра - та, тай - но За - пе -

Музыкальный фрагмент в нотном оформлении. Текст: чат - ст во - ван - на - я, Бла - го - сло - вен - на - я Бо - го -

Музыкальный фрагмент в нотном оформлении. Текст: ро - ди - це Де - во, при - и - ми мо - ле - ни - я на - ша

Музыкальный фрагмент в нотном оформлении. Текст: и при - не - си Т во - е - му Сы - ну и Бо - гу,

Музыкальный фрагмент в нотном оформлении. Текст: да спа - сет То - бо - ю ду - ши на - ша.